




UKUBALULEKA KOKUQOQWA KOMLANDO OYIQINISO NOYIWONAWONA

Ukuqoqwa komlando luhlelo lapho umsebenzi wezempilo ebuza wena oyisiguli imibuzo emayelana nawe kanye nokugula kwakho. Kusemqoka ukuba ukwazi ukunika yonke imininingwane efanele emaqondana nokugula kumbe ukulimala kwakho ukuze umsebenzi wezempilo akwazi ukuhlonza lokho okukugulisayo aphinde ahlinzeke imishanguzo efanele ukusetshenziswa



UNGALOKOTHI USHIYE EMINYE IMINININGWANE YOMLANDO YEMPILO YAKHO ONGAYICABANGA UKUTHI WENA AYIBALULEKILE, UNGABI NAMAHLONI UKUSHO NANOMA YINI EKHUPHAYO EMPILWENI. UVUMELEKILE UKUBUZA NANOMA YIMIPHI IMIBUZO UMA KUKHONA AMAGAMA EZEMPILO ONGAWAQONDI KAHLE ASHIWOYO.

ABASEBENZI BEZEMPILO BAPHOQELEKILE UKUGCINA YONKE IMINININGWANE YAKHO IYIMFIHLO. UYACELWA UHLINZEKE UKHELI LENDAWO OHLALA KUYO ELIQONDILE.

LOKHU KULEKELELA UMSEBENZI WEZEMPILO AKWAZI UKUKUTHOLA, UMA KWENZEKILE WAPHUNDULWA YISIKHATHI OKUFANELE UBUYELE NGASO EMTHOLAMPILO NOMA UMA KUDINGEKA BAKUTHUMELELE IMIPHUMELA YOKUHLOLWA KWEMPILO YAKHO EBALULEKILE.

UYACELWA UKUBA UHLINZEKE IZINOMBOLO ZOCINGO KUMBE ZIKAMAKHALEKHUKHWINI OKUNGENANI EZIMBILI (2) EZIYIQINISO UKUZE UMSEBENZI WEZEMPILO AKWAZI UKUXHUMANA NAWE MAQONDANA NEMIPHUMELA YOKUHLOLWA KWEMPILO YAKHO KANYE NOKUHLELA ISIKHATHI SOKUBUYELA KWAKHO EMTHOLAMPILO.

UMA SEKWENZEKA UKUTHI UYA KOHLALA KWELINYE IDOLOBHA NOMA ISIFUNDAZWE, UYACELWA WAZISE ABASEBENZI BEZEMPILO UKUZE BAQINISEKISE UKUTHI LAPHO OYA KHONA **UZOKWAZI UKUQHUBEKA NEMISHANGUZO YAKHO NANOKUTHI BAKWAZI UKUDLULISELA IMINININGWANE YAKHO KULESO SIKHUNGO SEZEMPILO ESIZOBA SEDUZE NAWE.**

UKUXHUMANA OKUYIQINISO, NOKUYIKONAKONA OKUPHAKATHI KWESIGULI KANYE NOMSEBENZI WEZEMPILO KUNGASINDISA IMPILO.